

ILLVSTRISSIMO

ATQVE REVERENDISSIMO

DOMINO, D. IOANNI ALFONSO

Menefio, Archiepiscopo Bracharensi, &

Hispaniæ primati. Paulus Palacius

Salazarius. S.



EI Opt. Max. Arcano Consilio actum est, Illustrissime Antistes, vt ex innumerabili mortalium multitudine, per vniuersum orbem latè, longèque diffusa, Iudæorum sibi populum Diuina Sapiencia delegerit: quasi speciale peculium & hæreditatem, in qua regnum proprium & habitationem haberet. Quod Sapiencia ipsa docet, cum ait: Præcepit mihi Creator omnium, & dixit: In Iacob inhabita, & in Israel hæditare. Et sic, inquit, in Sion firmata sum: & in ciuitate sanctificata similiter requieui: & in Ierusalem potestas mea. Hoc suum Sapiencia regnū innumeris illustrauit miraculis, gloriosis auxit victorijs, copiosissimis ditauit opibus, & infinitis propemodum omnis generis beneficijs cumulauit. At verò, quod est hominum ingeniū, ad malum ab adolescentia propensum, regnū illud tot exornatum munerib. ijs omnibus ac Deo illorum colatore contemptis, gentium idola impijsimè coluit, & fœda criminum colluie cõtaminatum est. Non deuit Dei bonitatem ac iustitiam, vt tot tantaque hominum scelera dissimilaret. & populi tantopere dilecti salutem non prouideret, remedijs, quæ eius vulneribus sanandis commoda videri poterāt, adhibitis. Annis igitur multis annonæ penuria, & terræ sterilitate, eam gentem non semel miserè afflixit, sæuissimis etiam pestibus, ac truculentissimis hostibus, qui regionem frequentius vastarēt, diuexauit. Et ne eos lateret,